



Republika e Kosovës
Republika Kosova-Republic of Kosovo
Qeveria - Vlada - Government

Ministria e Mjedisit dhe Planifikimit Hapësinor
Ministarstvo Sredine i Prostornog Planiranja
Ministry of Environment and Spatial Planning

Prishtinë, 19/04/2018

• Nr.

Duke marrë parasysh nenet 4, 21, 22 të Ligjit nr. 03/L-189 për Administratën Shtetërore të Republikës së Kosovës, (Gazeta Zyrtare, nr. 82, 21 tetor 2010) si dhe duke u bazuar në Nenin 8 (paragrafi 1.4) dhe Shtojcën 13 të Rregullores nr. 02/2011 për Fushat e Përgjegjësisë Administrative të Zyrës së Kryeministrit dhe Ministrive nenin 5 të Ligjit për Vetëqeverisje Lokale, si dhe Ligjin Nr. 06/L-020 për Buxhetin e Republikës së Kosovës për vitin 2018 lidhet kjo:

MARRËVESHJE E MIRËKUPTIMIT PËR BASHKËFINANCIMIN E PROJEKTIT
"Rregullimi i shtratit të Lumit Krena - Gjakovë"- Komuna e Gjakovës

Palët Nënshkruese

1. Ministrisë së Mjedisit dhe Planifikimit Hapësinor e përfaqësuar nga Ministrija e MMPH-së (në tekstin e mëtejme MMPH),

dhe

2. Komuna e Gjakovës e përfaqësuar nga Kryetari i Komunës, (në tekstin e mëtejme Komuna),

Neni 1

Qëllimi

Qëllimi i kësaj Marrëveshje është bashkëfinancimi i projektit **“Rregullimi i shtratit te Lumit Krena – Gjakove ”** si dhe përcaktimi i obligimeve të MMPH-së dhe komunës së Gjakovës për realizimin e projektit në fjalë.

Neni 2

Vlera e projektit dhe mënyra e Bashkëfinancimit

1. MMPH financon këtë projekt në shumën e tërësishme në vlerë prej: 200,000.00 € në vitin fiskal 2018.
2. Komuna e Gjakovës financon çdo obligim shtesë që mund të dal mbi shumën e lartëshkruar të këtij projekti.

Neni 3

Obligimet e Ministrisë së Mjedisit dhe Planifikimit Hapësinor

1. MMPH-ja i zotën mjetet për projektin nga neni 2 i kësaj Marrëveshje dhe një kopje e dërgon në Komunë.
2. Pagesat për bashkëfinancimin e projektit **“Rregullimi i shtratit te Lumit Krena – Gjakove ”** nga MMPH, do të bëhen në pajtim me realizimin e punimeve/furnizimeve sipas kushteve të kontratës, përveç avansit.
3. MMPH cakton një zyrtar monitorues lidhur me këtë projekt, i cili monitoron projektin nga fillimi deri në përfundim të kontratës dhe në momentin kur i vëren parregullsitë apo defektet gjatë realizimit të kontratës njofton menaxhmentin e MMPH-së.
4. MMPH në përputhje me KASH do ta përcjell këtë projekt në bashkëfinancim me Komunën e Gjakovës.

Neni 4

Obligimet e Komunës

1. Komuna obligohet që t'i krijoj kushtet e nevojshme për realizimin e projektit **“Rregullimi i shtratit te Lumit Krena – Gjakove ”** për operatorin ekonomik, të ndërmerr të gjitha masat që kontraktuesi pa pengesa të filloj implementimin (furnizimin) e projektit me kohë si dhe të siguroj specifikacionin teknik.
2. Komuna obligohet që projektin **“Rregullimi i shtratit te Lumit Krena – Gjakove”** realizoj në pajtim me Ligjin Nr. 04/L-042 e Prokurimit Publik dhe të Ligjit Nr. 04/L-194 për Menaxhimin e Financave Publike dhe Përgjegjësitë, si dhe aktet nënligjore për zbatimin e këtyre ligjeve.
3. Komuna e kryen procesin e tenderimit, cakton komisionin e hapjes dhe vlerësimit të tenderit.

4. Komuna emëron projekt menaxherin/organin mbikëqyrës për realizimin e projektit si dhe për inspektimin final të punimeve/pranimin teknik;
5. Projekt menaxheri/organi mbikëqyrës me përgjegjësi të plotë vërteton sasinë dhe kualitetin e punëve/furnizimeve të kryera në bazë të cilave operatori ekonomik lëshon dokumentin financiar me kërkesë për pagimin e punëve/furnizimeve të kryera në bazë të kushteve të kontratës.
6. Komuna obligohet që të njoftoj MMPH-në për çdo propozim ndryshim eventual të sasisë dhe kualitetit gjatë implementimit të projektit, dhe për këtë të kërkoj pëlqimin e MMPH-së.
7. Komuna obligohet që të vendos tabelën informuese (Panon) me shënimet për projektin, investitorët dhe operatorin ekonomik në vendpunishte/paisje.
8. Komuna obligohet që për të realizuar pagesat për punët/furnizimet e kryera në nivel të financimit nga ana e MMPH-së, të komplotoj këto dokumente :
 - 8.1 Procesverbalin e hapjes së tenderit dhe raportin e vlerësimit të tenderit (si dhe në rastet e korigjimit të çmimeve të dorëzohen dokumentet e korigjuara).
 - 8.2 Kopjen e Kontratës të nënshkruar me operatorin ekonomik së bashku me ofertën financiare, të verifikuar nga origjinali prej menaxherit të prokurimit të komunës.
 - 8.3 Vendimi mbi emërimin e projekt menaxherit/organit mbikëqyrës/komisionin e pranimi nga ana e Komunës.
 - 8.4 Raportin e projekt menaxherit/organit mbikëqyrës/komisionit të pranimi mbi punët/furnizimet e kryera dhe të aprovuara (situationet e aprovuara).
 - 8.5 Faturën origjinale nga operatori ekonomik deri në lartësinë e shumës së financuar nga MMPH.
 - 8.6 Kopjen e certifikatës së biznesit, llogarinë bankare dhe letërnjoftimin e pronarit të operatorit ekonomik (nëse nuk është i regjistruar në SMIFK-Departamenti i Thesarit-Ministria e Financave).
9. Komuna duhet të ndërmerr të gjitha masat që projekti të përfundojë gjatë vitit buxhetor 2018. Pas këtij afati të gjitha obligimet kalojnë në përgjegjësi të Komunës.
10. Komuna është e obliguar të njoftoj MMPH për rrjedhat e realizimit të projektit sipas progresit të punimeve deri në përfundim të projektit.

Neni 5

Ndryshimet dhe ndërprerja e Marrëveshjes së Mirëkuptimit

1.Me pëlqimin paraprak të Ministres së MMPH-së, dhe Kryetarit të Komunës, marrëveshja mund të ndryshohet dhe plotësohet.

2.MMPH-ja mbanë të drejtën e ndërprerjes së shfrytëzimit të buxhetit për këtë destinim në rast se konstaton se Komuna nuk i ka përmbushur obligimet e veta të dala nga kjo Marrëveshje.

Neni 6

Zgjidhja e marrëveshjes

Palët janë pajtuar në mes vete që kjo marrëveshje të zgjidhet me mirëkuptim.

Neni 7

Numri i kopjeve

Marrëveshja e Mirëkuptimit është nënshkruar në dy kopje, nga një kopje për secilën palë nënshkruese.

Neni 8

Pronësia e projektit

1. Me pranim dorëzimin e punëve të kryera nga ana e operatorit ekonomik, ky investim (projekt) nga kjo Marrëveshje e Mirëkuptimit do kalojë në pronësi të Komunës.

2. Ky investim regjistrohet në pronësi të komunës në mënyrë elektronike dhe fizike, në sistemin e pasurisë në Ministrinë e Financave (SMIFK).

Neni 9

Hyrja në fuqi

Palët nënshkruese janë pajtuar që kjo marrëveshje e mirëkuptimit të fillon të zbatohet nga dita e nënshkrimit.

Dr. Albena Reshitaj,
Ministre e MMPH-së



Arbërian Gjini,
Kryetar i Komunës së Gjakovës